

UGOVOR O AKADEMSKOJ, NAUČNOJ I POSLOVNO-TEHNIČKOJ SARADNJI

Zaključen dana 24.06.2015.godine, između:

1. **Evropskog univerziteta Brčko distrikt**, sa sjedištem u Brčkom, ul. Bijeljinska cesta br. 72 - 74, koji zastupa rektor prof. dr Mirko Kulić, s jedne strane, i
2. **Evropskog univerziteta Kallos Tuzla**, sa sjedištem u Tuzli, ul. Maršala Tita br. 2B i 2B, koji zastupa v.d. rektor dr Nedeljko Stanković, s druge strane.

Član 1.

Ugovor je zasnovan s ciljem međusobne saradnje dvije visokoobrazovne ustanove u budućem procesu obrazovanja, pedagogije, naučno-istraživačkog rada i drugih poslova u okviru upisane djelatnosti.

Član 2.

Ugovorne strane će nastojati da razvijaju međusobne akademske veze prema principima zajedničke koristi, opšteg društvenog interesa, te zajedničke komplementarne djelatnosti visokog obrazovanja. Ugovorne strane će uložiti najveće i iskrene napore da se ovaj ugovor realizuje na akademskom nivou.

Član 3.

Ciljevi saradnje:

- (1) razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
- (2) razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
- (3) ohrabrivanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata;
- (4) podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

Član 4.

Područje saradnje će uključivati bilo koje akademske i druge naučne, odnose stručne programe, koji su akreditovani i registrovani kod ugovornih strana u cilju razvoja zajedničkih aktivnosti u nastavnim i akademskim oblastima, koje su od obostranog interesa, na bazi kvaliteta i reciprociteta.

Član 5.

Ugovorne strane se obavezuju da će preuzeti studente, nastavnike i saradnike, u slučaju prestanka sa radom jedne od ugovornih strana, te omogućiti priznavanje već položenih ispita i uključivanje u obrazovni ciklus ustanove koja preuzima obavezu.

Član 6.

Ugovorne strane će eventualne sporove rješavati sporazumno, a u slučaju da se spor ne može riješiti mirnim putem, nadležan je sud prema sjedištu tuženog.

Član 7.
Ovaj ugovor se izrađuje u 4 primjerka, od kojih svaka ugovorna strana dobija po 2.

Član 8.
Ugovor stupa na snagu danom potpisivanja obje ugovorne strane.

EVROPSKI UNIVERZITET
KALLOS TUZLA

